

საქართველოს იუსტიციის სამინისტრო

სსიპ საჯარო რეესტრის ეროვნული სააგენტო

სატენდერო დოკუმენტაცია

საინფორმაციო ვიდეო-რგოლის დამზადების მომსახურების
სახელმწიფო შესყიდვა
გამარტივებული ელექტრონული ტენდერის საშუალებით
(CPV - 92111250)

2016 წელი
თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვის შესახებ ხელშეკრულების პროექტი
4. დანართი №1 - ფასთა ცხრილი
5. დანართი №2 - რეკვიზიტები

1. ინსტრუქცია ტენდერში მონაწილეთათვის

1.1. გამარტივებული ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით, შემდეგ ვალდებული ხართ გაეცნოთ აფიდავატს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.4. ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7. მას შემდეგ რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.8. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.9. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.10. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.11. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.12. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.13. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.14. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი, დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ

წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში კი, – ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.16. მას შემდეგ რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით, ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისთვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას სატენდერო წინადადების ფასზე.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული) შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. ყველაზე დაბალის ფასის მქონე პრეტენდენტის დისკვალიფიკაციის შემთხვევაში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამართივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობათან დაკავშირებული ხარჯები.

1.22. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.23. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.24. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის

მიერ.

1.25. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.26. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.27. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიან ელექტრონულ სისტემაში კითხვა/პასუხის რეჟიმის გამოყენებით. საპროცედურო საკითხებთან დაკავშირებით განმარტებების მიღება შესაძლებელია სატენდერო კომისიის აპარატში – საკონტაქტო პირი თენგიზ ჯუღელი **ტელ: 2 910517 შიდა – 7058.**

2. ტექნიკური დოკუმენტაცია

2.1. შესყიდვის მიზანი, ობიექტი, შესყიდვის ობიექტის აღწერილობა:

2.1.1 შესყიდვის მიზანია საზოგადოების ინფორმირება მიწის რეგისტრაციის სახელმწიფო პროექტის შესახებ.

2.1.2 შესყიდვის ობიექტს წარმოადგენს ერთი საინფორმაციო სატელევიზიო გრაფიკული ვიდე-რგოლის (შემდგომში „რგოლი“) დამზადების მომსახურება.

2.1.3 რგოლი მიმართული უნდა იყოს შემდეგი თემების ინფორმირებისათვის:

ა) იუსტიციის სამინისტრო მიწის რეგისტრაციას მოქალაქეთათვის მაქსიმალურად ხელმისაწვდომს ხდის: იხსნება ბარიერები, რომლებიც მესაკუთრეს ექმნებოდა, რეგისტრაციის პროცედურა კი გამარტივდება და წახალისდება.

ბ) მომზადდა სპეციალური საკანონმდებლო ცვლილებები: კერძოდ:

➤ შემუშავდება საამზომველო ნახაზის ერთიანი სტანდარტი, პროექტში ჩართული ამზომველები სერტიფიკაციას გაივლიან.

➤ სახელმწიფო მოქალაქეს დაეხმარება საკუთრების დამადასტურებელი საბუთების მოძიებაში.

➤ სახელმწიფო მესაკუთრეებს დავების მოგვარებაში დაეხმარება.

2.1.4 რგოლის მთავარი მესიჯია – მიწის კერძო საკუთრებაში რეგისტრაციისთვის ბარიერები იხსნება (მიწის საკუთრებაში რეგისტრაცია მარტივდება).

2.1.5 სსიპ საჯარო რეესტრის ეროვნული სააგენტოს ძირითადი საქმიანობა და მიზნებია:

- უძრავი ქონების რეგისტრაცია.
- უძრავი ქონების რეგისტრაცია.
- მოძრავ ნივთებსა და არამატერიალურ ქონებრივ სიკეთეზე უფლებათა რეგისტრაცია.
- ქონებაზე საგადასახადო გირავნობა/იპოთეკის რეგისტრაცია.
- ქონებაზე საჯარო-სამართლებრივი შეზღუდვის რეგისტრაცია.
- მეწარმეთა და არასამეწარმეო (არაკომერციულ) იურიდიულ პირთა რეგისტრაცია.
- გეოდეზიისა და კარტოგრაფია.
- მოქალაქეთა პოლიტიკური გაერთიანებების რეგისტრაციის, აგრეთვე უძრავი ქონების ნუმერირება.
- ქვეყნის მასშტაბით სამისამართო სისტემის წარმოება და ქალაქ თბილისის მასშტაბით უძრავი ქონების ნუმერაცია.
- მუნიციპალიტეტების რეგისტრაცია.

2.2 ტექნიკური დავალება:

2.2.1 რგოლის ქრონომეტრაჟი უნდა იყოს 30 წმ-დან 40 წმ-მდე.

2.2.2 შემსყიდველის მოთხოვნის შემთხვევაში რგოლს უნდა ჰქონდეს მუსიკალური გახმოვანება და მუსიკას უნდა ჰქონდეს მისი გამოყენებისთვის სრული საავტორო უფლებები.

2.2.3 შემსყიდველის მოთხოვნის შემთხვევაში, თუ რგოლს დაედება ტექსტი ე.წ. „voice over“, მიმწოდებელმა უნდა უზრუნველყოს ტექსტის შინაარსის დაწერა და მის გახმოვანება.

2.2.4 მიმწოდებელმა უნდა განახორციელოს რგოლის კონცეფციის ჩამოყალიბება და მისი შეთანხმება შემსყიდველთან, ასევე მონტაჟი, ფერთა კორექცია და პოსტ ფროდაქშენი.

2.2.5 მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის ვადაში შემსყიდველს მიაწოდოს რგოლის არანაკლებ 2 (ორი) კადრირებული კონცეფცია და შემსყიდველთან კონცეფციის შეთანხმებიდან არანაკლებ 15 (თხუთმეტი) კალენდარული დღის ვადაში შექმნას და მიაწოდოს შემსყიდველს შესყიდვის ობიექტი – რგოლი;

2.3. სატენდერო წინადადების გაანგარიშების წესი:

პრეტენდენტის მიერ წარმოდგენილი სატენდერო წინადადების ფასი უნდა მოიცავდეს სატენდერო დოკუმენტაციით განსაზღვრული მიმწოდებლის ვალდებულებების შესრულებასთან დაკავშირებულ ყველა ხარჯს და კანონმდებლობით გათვალისწინებულ ყველა გადასახადს. ნებისმიერ ხარჯი, რომელიც არ იქნება გათვალისწინებული სატენდერო წინადადების ფასში არ ანაზღაურდება.

2.4 მიღება-ჩაბარების წესი:

გაწეული მომსახურების მიღება ხდება მხარეთა უფლებამოსილი წარმომადგენლების მიერ ხელმოწერილი მიღება-ჩაბარების აქტით, ინსპექტირების განმახორციელებელი პირის მიერ შედგენილი, დადებითი დასკვნის მქონე, ინსპექტირების აქტის საფუძველზე.

2.5 ანგარიშსწორება:

მიმწოდებელს აუნაზღაურდება ხელშეკრულებით გათვალისწინებული რგოლის ღირებულება მომსახურების ფაქტობრივად გაწევისა და საგადასახადო ანგარიშ–ფაქტურის წარმოდგენის შემდეგ, მხარეთა მიერ გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 15 სამუშაო დღეში.

2.6. მოთხოვნები პრეტენდენტების მიმართ:

2.6.1 პრეტენდენტს 2014 წლიდან ტენდერის გამოცხადების თარიღამდე დამზადებული უნდა ჰქონდეს მინიმუმ 20 გრაფიკული ვიდეორგოლი, რომელთა ჯამური ღირებულება უნდა აღემატებოდეს 50 000 ლარს.

2.6.2 2015 წლის 1 მარტიდან ტენდერის გამოცხადების თარიღამდე პრეტენდენტს დამზადებული უნდა ჰქონდეს მინიმუმ 1 (ერთი) არანაკლებ 6 000 ლარის ღირებულების რგოლი, რომლის ხანგრძლივობა შეადგენს 10-90 წამს.

2.7 პრეტენდენტის მიერ სისტემაში ასატვირთი მონაცემები:

2.7.1 ფასთა ცხრილი, რომელიც შედგენილი უნდა იყოს სატენდერო დოკუმენტაციის დანართი №1-ით გათვალისწინებული ფასთა ცხრილის ფორმით და მის შესაბამისად. პრეტენდენტის მიერ ფასთა ცხრილის წარმოდგენა ავტომატურად ადასტურებს მის ვალდებულებას დაამზადოს ვიდეო–რგოლი სატენდერო დოკუმენტაციის ყველა პირობის დაცვით.

2.7.2. რეკვიზიტები სატენდერო დოკუმენტაციის დანართი №2-ის შესაბამისად.

2.7.3 სატენდერო დოკუმენტაციის 2.6 პუნქტით გათვალისწინებული მოთხოვნების დამადასტურებელი დოკუმენტაცია, კერძოდ:

ა) წარმოდგენილი უნდა იქნას მინიმუმ 3 სარეკომენდაციო წერილი იმ ორგანიზაციებიდან რომლისთვისაც 2014 წლის 1 იანვრიდან ტენდერის გამოცხადების თარიღამდე გაფორმებული ხელშეკრულებების ფარგლებში დამზადდა გრაფიკული რგოლები. წარმოდგენილი სარეკომენდაციო წერილებიდან ერთი უნდა იყოს გაცემული იმ ორგანიზაციიდან, რომელიც ადასტურებს მიმწოდებლის გამოცდილების შესახებ ინფორმაციას სატენდერო დოკუმენტაციის 2.6.2 პუნქტის შესაბამისად. წარმოდგენილი

სარეკომენდაციო წერილები დამოწმებული უნდა იყოს ორგანიზაციის ხელმძღვანელის ხელმოწერით და აღნიშნულ წერილებში წარდგენის ადგილად მითითებული უნდა იყოს სსიპ საჯარო რეესტრის ეროვნული სააგენტო. აღნიშნული რეკომენდაცია გაცემული უნდა იყოს 2016 წელს.

ბ) 2014 წლის 1 იანვრიდან ტენდერის გამოცხადების თარიღამდე გაფორმებული ხელშეკრულების საფუძველზე მინიმუმ 20 გრაფიკული რგოლის დამზადების შესახებ ინფორმაცია, რომელთა ჯამური ღირებულება უნდა აღემატებოდეს 50 000 ლარს, რის დასტურადაც მიმწოდებელმა სისტემაში უნდა ატვირთოს ხელშეკრულებები, მიღება ჩაბარების აქტები ან შესრულების დამადასტურებელი დოკუმენტაცია. თუ მიმწოდებლის მიერ შექმნილია გრაფიკული ვიდეორგოლი და შესაბამისი ხელშეკრულებით, მიღება ჩაბარების აქტით ან შესრულების დამადასტურებელი დოკუმენტაციით ვერ დგინდება გრაფიკული ვიდეორგოლის დამზადების ფაქტი, პრეტენდენტი უფლებამოსილია გამოცდილების დამადასტურებელ დოკუმენტაციას თან დაურთოს დამკვეთის მიერ დამოწმებული წერილი/ინფორმაცია, რომელიც ადასტურებს პრეტენდენტის მიერ გრაფიკული რგოლის დამზადებას.

2.8. ფასწარმოქმნის ადეკვატურობის დასაბუთება

ვინაიდან, აღნიშნულ ტენდერში შესყიდვის ობიექტს წარმოადგენს გრაფიკული ვიდეო-რგოლის დამზადებას, რაც წარმოადგენს პრეტენდენტის ან მისი თანამშრომლ(ებ)ის ინტელექტუალური მომსახურების შესყიდვას, რომლის შესრულებაზეც მიმწოდებელს არ ესაჭიროება დამატებითი ხარჯის გაწევა სატენდერო კომისია მიზანშეწონილად მიიჩნევს პრეტენდენტ(ებ)ს არ მოეთხოვოს რაიმე სახის დოკუმენტის წარმოდგენა ფასწარმოქმნის ადეკვატურობის დასაბუთებლად. შესაბამისად, აღნიშნულ ტენდერზე არ გამოიყენება ფასწარმოქმნის ადეკვატურობის დასაბუთების მოთხოვნა.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

სსიპ საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის, _____ სახით და „____“, შემდგომში წოდებული „მიმწოდებლად“, წარმოდგენილი დირექტორის, _____ სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 ხელშეკრულება სახელმწიფო შესყიდვის შესახებ“ (შემდგომში-„ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 დღე“, „კვირა“, „თვე“ - კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“- პირი, რომელიც ახორციელებს სამუშაოებს ამ ხელშეკრულების ფარგლებში.

1.6 „მომსახურება“ - ხელშეკრულების მე-2 მუხლით გათვალისწინებული მომსახურება.

2 ხელშეკრულების საგანი

ხელშეკრულების საგანია ერთი ერთეული, 30 წმ-დან 40 წმ-მდე. ხანგრძლივობის მქონე, საინფორმაციო, სატელევიზიო, გრაფიკული ვიდეო-რგოლის (შემდგომში-რგოლი) დამზადების მომსახურების (CPV - 92111250) შესყიდვა. დასამზადებელი რგოლის თემები განისაზღვრება სატენდერო დოკუმენტაციით.

3 ხელშეკრულების ღირებულება

3.3 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის შესაბამისად და შეადგენს _____ (_____) ლარს.

3.4 ხელშეკრულების ღირებულება, მომსახურების ღირებულების გარდა, ასევე, მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4 მხარეთა ვალდებულებები

4.3 მიმწოდებელი ვალდებულია:

ა) ხელშეკრულების გაფორმებიდან 5 (ხუთი) სამუშაო დღის ვადაში შემსყიდველს მიაწოდოს რგოლის არანაკლებ 2 (ორი) კადრირებული კონცეფცია და შემყიდველთან კონცეფციის შეთანხმებიდან არანაკლებ 15

(თხუთმეტი) კალენდარული დღის ვადაში შექმნას და მიაწოდოს შემსყიდველს რგოლი შემდეგ მისამართზე: თბილისი, წმ.ნიკოლოზის/ნ.ჩხეიძის ქ.№2;

ბ) შემსყიდველის მოთხოვნის შემთხვევაში მუსიკალურად გაახმოვანოს რგოლი (მუსიკას უნდა ჰქონდეს მისი გამოყენებისთვის სრული საავტორო უფლებები).

გ) შემსყიდველის მოთხოვნის შემთხვევაში, თუ რგოლს დაედება ტექსტი ე.წ. „voice over“, უზრუნველყოს ტექსტის შინაარსის დაწერა და მის გახმოვანება.

დ) განახორციელოს რგოლის კონცეფციის ჩამოყალიბება და მისი შეთანხმება შემსყიდველთან, ასევე მონტაჟი, ფერთა კორექცია და პოსტ ფროდაქშენი.

ე) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

ვ) განახორციელოს ამ ხელშეკრულებით მასზე დაკისრებული სხვა ვალდებულებები.

4.4 შემსყიდველი ვალდებულია:

ა) უზრუნველყოს ხელშეკრულების პირობების შესრულების კონტროლი (ინსპექტირება);

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5 გარანტია

დამზადებული რგოლი უნდა აკმაყოფილებდეს მოქმედი კანონმდებლობით დადგენილ ყველა მოთხოვნას და უნდა შეესაბამებოდეს ამ სფეროში დამკვიდრებულ საერთაშორისო სტანდარტებს.

6 ხელშეკრულების პირობების შესრულების კონტროლი

6.1 შემსყიდველის მიერ ხელშეკრულების პირობების შესრულების კონტროლი განხორციელდება პერიოდულად, როგორც სამუშაოების შესრულების დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2 შემსყიდველი, საკუთარი თანამშრომლის მეშვეობით განახორციელებს ხელშეკრულების შესრულების ინსპექტირებას. ინსპექტირებას განახორციელებს შემსყიდველ ორგანიზაციის საზოგადოებასთან ურთიერთობის განყოფილების თანამშრომელი.

6.3 ინსპექტირების განმახორციელებელი პირი უფლებამოსილია ჩაატაროს გაწეული მომსახურების – მიწოდებული რგოლის ხარისხისა და ტექნიკური კონტროლი, და თუ აღმოჩნდება წუნი, მიმწოდებელი ვალდებულია შემსყიდველთან შეთანხმებული ვადის განმავლობაში, მაგრამ არ უგვიანეს 5 სამუშაო დღისა, გამოასწოროს წუნი საკუთარი ხარჯებით, შემსყიდველის მხრიდან რაიმე დამატებითი დანახარჯების გაწევის გარეშე.

7. სამუშაოების მიღება-ჩაბარების წესი

7.1. მომსახურების მიღება წარმოებს მიღება-ჩაბარების აქტის სახით. გაწეულ მომსახურებაზე მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის მიერ შედგენილი, დადებითი დასკვნის მქონე, ინსპექტირების აქტის საფუძველზე.

7.2. მიწოდების ვადაში არ ჩაითვლება ინსპექტირების განხორციელების დრო.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა-ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო – სსიპ საჯარო რეესტრის ეროვნული სააგენტოს საკუთარი შემოსავლები.

8.2 ანგარიშსწორება იწარმოებს ერთიანად; მიმწოდებელს აუნაზღაურდება ხელშეკრულებით გათვალისწინებული რგოლის ღირებულება მომსახურების ფაქტობრივად გაწევისა და საგადასახადო ანგარიშ-ფაქტურის წარმოდგენის შემდეგ, მხარეთა მიერ გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 15 სამუშაო დღეში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

10.2. თუ ერთი-ერთი მხარე არ ასრულებს ხელშეკრულების საგანთან დაკავშირებულ ვალდებულებას, მეორე მხარე ვალდებულების შესრულებისთვისათვის წერილობითი ფორმით უწესებს დამატებით ვადას ან აფრთხილებს მას. თუ დამატებით ვადაში ან აფრთხილების შემდგომ, მხარე კვლავ არ ასრულებს ან არსებითად არღვევს მის მიერ ნაკისრ ვალდებულებას, დაზარალებულ მხარეს უფლება აქვს ცალმხრივად შეწყვიტოს ხელშეკრულების მოქმედება.

10.3. წინამდებარე ხელშეკრულების 4.1 პუნქტის ა) ქვეპუნქტით გათვალისწინებული ვადების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

10.4 მიწოდების ვადაში არ შედის შემსყიდველის მიერ ინსპექტირების შედეგად, ხარვეზების გამოსწორებისთვის მიმწოდებლისთვის დადგენილი, ხელშეკრულების 6.3 პუნქტით გათვალისწინებული ვადა, აგრეთვე ის დრო რაც საჭიროა ინსპექტირების განხორციელებისა და მიღება-ჩაბარების აქტის გაფორმებისათვის.

10.5 წინამდებარე ხელშეკრულების 6.5 პუნქტით გათვალისწინებულ ვადაში მიმწოდებლის მიერ ხარვეზების აღმოფხვრის ვალდებულების შეუსრულებლობის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.3%-ის ოდენობით.

10.6 წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.3%-ის ოდენობით.

10.7 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 დეკემბრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე, აქედან ორი ეგზემპლარი გადაეცემა შემსყიდველს, ხოლო ერთი - მიმწოდებელს.

17. მხარეთა რეკვიზიტები:

შემსყიდველი:

სსიპ საჯარო რეესტრის ეროვნული სააგენტო,
წარმოდგენილი თავმჯდომარის მოადგილის

_____ სახით,

მიმწოდებელი:

_____,
წარმოდგენილი დირექტორის

_____ სახით,

მისამართი: თბილისი, წმ.ნიკოლოზის/ნ.ჩხეიძის ქ.2,

ტელეფონი: 910517,

საბანკო რეკვიზიტები:

ანგ. №,

ბანკის კოდი: BAGAGE22,

ს/კ – 202238621

მისამართი: _____,

ტელეფონი: _____,

საბანკო რეკვიზიტები: ანგ. № _____,

სს „საქართველოს ბანკი“, კოდი: _____,

სკ _____

დანართი №1

მომსახურების ფასთა ცხრილი

დასახელება	ქრონომეტრაჟი	რაოდენობა	ღირებულება
საინფორმაციო, სატელევიზიო გრაფიკული ვიდეო-რგოლის დამზადება შემსყიდველთან შეთანხმებული კონცეფციის შესაბამისად	30 წმ-დან 40 წმ-მდე	1 ერთეული	
ვიდეო-რგოლის მუსიკალური გახმოვანება	X		
ჯამი			

შენიშვნა:

მუსიკალური გახმოვანების ღირებულება შევა ხელშეკრულების ღირებულებაში, თუმცა, იგი მხოლოდ იმ შემთხვევაში ანაზღაურდება თუ შემსყიდველი, ხელშეკრულების შესაბამისად, მოსთხოვს მიმწოდებელს გაახმოვონოს ვიდეო-რგოლი.

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი,

პრეტენდენტის იურიდიული და ფაქტიური მისამართები:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში: